



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Constans Defensio, Ex S. Scriptvra, Et Vera Catholica
Doctrina, Atqve Observatione Vniuersalis Christianæ
Ecclesiæ Deliberationis de Christiana Reformatione**

Bucer, Martin

Genevae, 1613

Martinvs Lvthervs Ph. Melancthoni S.

urn:nbn:de:hbz:466:1-34315

MARTINVS LVTHERVVS
Ph. Melancthoni. S.

ANTE QVAM Ascendisses currum, mi Philippe, per legem tuam hoc scriptum, quantum nec soleo, nec potui iam diu ieiunus legere. Sed fecit hoc quod tribus verbis aliquoties unam chartam impleueris, literis interim transmissis, alioquin tantum codicem, si mea vel alterius manus esset, vix multis hebdomadis perlustrassem. Et sum recordatus Philosophiae de quatuor causis. Primò finalis causa summè placuit, quia & hanc Pomeranus eruditè, & copiosè tractat, in 4. cap. ad Cor. Efficiens causa non displicet. Materiali causae compassus sum, scilicet quod tantum papyri absumptum est à te. Sed formalis causa me delectabat, quod in tot literis, tam modicis verbis, tantas res complexus es. Tibi itaque gratias ago, quod tuo beneficio tantas chartas potui perlegere, ferè vno quartali horæ. Sed serio mihi res placet. Nam vt rumpantur omnes, impossibile est Ecclesiam, vllius temporis, facere idæam omnium temporum. Si extra Articulos fidei quærat. Tempora enim necesse fuit, est, erit, mutari cum iis rebus, quæ temporis & locis & personis subiectæ sunt, Ecclesia verò intra Articulos fidei, est vna simplex perpetua idæa, per omnia secula seculorum, vt Paulus dicit, columna veritatis semper sibi simillima, quia scriptum est, & res ipsæ probant, esse vicissitudinis obumbrationem, & transmutationem, in omnibus aliis rebus. Solum apud Deum (qui est Ecclesiae caput) nulla est transmutatio. Verbum autem eius (quod manet æternum) est in Ecclesia, hoc facit Ecclesiam esse semper eandem, sicut ipsum semper est idem. Tantum vt aliis possis (si opus sit) ostendere meam stultitiã, quæ definita sententia dicit, Ecclesiam extra scripturam, seu verbum Dei non posse similem sibi per tempora esse. Quia in hoc casu ipsa quoque subiecta est, non modò transmutationi sed vanitati quoque. Quando & ipsorum Apostolorum vita longè alia est, quàm doctrina sicut & nostra & omnium sanctorum ab initio mundi. Quare non secundum vitam vel dicta sanctorum, sed secundum fidem sanctorum omnia sunt iudicanda, id est, secundum verbum Dei, vt Epistola dicit, Quorum intuentes conuersationem imitami fidem, i. verbum Dei. Saluta omnes nostros, & exerce Dominum Casparem à Deitleben hac figura. Cetera D. Ionas. Sabbatho Innocentium. 1539.

T. MARTINVS LVTHERVVS.

